

P R Æ L I U M

Nuportanum


Rerum fide tradebat,

IS: DORISLAUS. I. C.



LONDINI:

1640.



LONDON:

1840.



PRAELIUM

Nuportanum.



Seuiebat adhuc inter liberos 1600.
victosque Belgas civile Bel-
lum, avidum sanguinis, pe-
cuniae prodigum, raptis per
mutuas clades tot fortibus
animis, & egestis in terrae
punctum veteris simul &
novi orbis immensis opibus; cum ærarii & sti-
pendiorum inopiâ, Hispanicas legiones seditio
incessit. Vetus illâ militiâ malum, initio statim
secularis anni in rabiem proruperat; orto à vexil-
lariis per Brabantiam præsidia agentibus initio,
& tractis pari vel necessitate, vel prædandi lubi-
dine Wâlonum Germanorumque numeris, qui
Crevekeuram, & ad Mosæ Vahalitque confluen-

Praelium Nuportanum.

res *S. Andreas* munimentum infidebant. Exciverat ea res solito maturius, & vergente adhuc hyeme, *Mauritium* Orangii Principem, properum gnarumque occasionis. Et ille quidem, non territis magis quàm emptis seditiolorum animis, acceptisque in deditionem munimentis, clarâ in praesens victoriâ, & in posterum usui, adultò jam vere Hagam reversus est. Sustulerant animos hoc successu liberi Belgae; & in Ordinum Conventu differebatur; instandum cœptis & famæ, dum fluxâ ærarii & militum fide, vis dolusque adversum discordes & iratos ex æquo valerent: Hispaniæ Regem imminuris ob præclusa commercia, vestigalium fructubus, attenuato Indiarum proventu, effusus priori anno in classem rursus Angliæ minacem & irritam opibus, læsaque apud Italos fide, non sufficere necessitatibus belli: Archiducem *Albertum* primo statim in Belgium ingressu Imperii primordia Tributis & odiis oneravisse: ab ipsis provinciis jam pridem bello attritis, equitum peditumque vim, damna & injurias agrè tolerari: Quare si acrius ipsi incubuerint, externo simul impulsu, & interno motu ruiturum hostem. Multo hæc inter proceres ad sensu celebrabantur; & plerique sumptuum & pecuniæ parci, verbis egregii & penè nimii erant, Sed

Sed Hollandi in quos tota impendiorum moles inclinaverat, variè differebant, de magnitudine æris alieni, inopiâ quæstuum, & immensis civium oneribus; desolari urbes dilapsu opificum; mercatores exhaustos; vires animamque Reipublicæ elidi prædationibus Dunkerkanorum: abnuebantque ulteriores in ætatem sumptus, præterquam pacando mari, & rapiendæ prædantium sedi. In idem Zelandi, & acrius pertendebant, quanto gravioribus ob viciniam damnis afflictabantur. Destinatio hæc præpotentium Provinciarum specie & usu omnibus magnifica, sed aspera inceptu, perfectu ardua prudentibus videbatur: ea pars quo suspectior sollicitis Principi placebat; cujus pulcherrimum animi difficultas operis, & patrandi per id belli gloria exstimulaverant. Veruntamen cunctator naturâ, cautis porius quàm acribus consiliis summam expeditionis tractabat, quæ crebra cum rerum bellicque prudentibus habebantur. Ibi maturissimus quisque opportunitates Ostendæ loqui, quæ præsidii & dirione Ordinum in orâ Flandriæ tenebatur; illâc invehi Oceano exercitum, & inde planitie littoris præter Nuportum sub Dunkerkam duci in promptu esse; subsequutura classe cum tormentis & annonâ militari;

Prælium Nuportanum.

impulso simul terrâ, simul mari bello. Instantior aliis securitatis cura; nec imperatorium reban-
tur, ante captam Nuportum, Dunkerkam ag-
gredi: ubi tergo consuluerint, haud magnâ
mole expugnari urbem, neque situ, neque manu
validam, fluxis ævo & incuriâ munimentis. Præ-
cipuum fiduciæ alimentum erat Seditio Hispa-
norum, præpeditura subsidium obsessis; & si
fortè motus confederint, impar equitatu & mi-
nor hostis non ausurus novissimum discrimen.
Aderat consilio *Franciscus Verius*; quo nemo illâ
tempestatere militaris callidior habebatur: ille
multo usu sui & hostium gnarus, pares & au-
dentes pugnæ *Alberti* copias, incessuralque præ-
lio intra quartum & decimum à *Mauritii* in Flan-
driam appulsu diem, præfagus loquebatur.
Erantque nonnulli consiliantium, quibus tuta
magis cum ratione quam prospera ex casu place-
bant: hi modestius discebant. Bellum suscipi
avio itinere, hostili littore, inter incerta ven-
torum & maris: leditiosos ad obsequium flecti
ingentibus promissis, & quantulacunque sti-
pendiorum portione: imò rutiluros ultro, ut as-
serât in hostem capitali urbe, uberrimos Flandriæ
agros & opes excusatiùs rapiant in præmium &
prædam: & si rem dari in casum oporteat, fru-
stra

Prælium Nuportanum.

stra equitem jactari, meliori hostium pedite, in quo præcipuum robur: modicum victoriæ pretium esse commercii securitatem, subactâ urbe insidiatrice maris & raptibus infami: at fuso exercitu, cladem immensam, & nihil reliquum victis, uno prælij turbine, mari, commercio, libertate & patriâ excussis. Inexcusatum viris tot per annos belli sapientiam professis præceps consilium: hæsuramque temeritatis infamiam, tunc quoque cum pericula effugissent. Salutaria hæc sed injucunda; flagrantibus Hollandorum animis in Dunkerkam, exitiabilem mercaturæ, & publicis ararii fructibus gravem. Ita victis tandem plurium consensu nolentibus, in Flandriam decernitur exercitus; ingentibus animis, nec minori paratu: mille navium classis in peditem equitemque distributa; curruum & tormentorum ingens numerus; annonæ permagna via. Placebatque consilium, ne spatiis itinerum attereretur exercitus, impositos navibus militem, equos, commeatum, & extra fluminum ora in Oceanum evectos, exponere in portus Ostendæ, ad usum belli terrâ marique opportune. Sed benè consultis, classique jam inter Zelandiæ æstuaria allabenti fortuna ventique cessabant; cedente in Austrem coelo envigantibus adversum.

Quare

Quare cum prima non provenissent, quod è præsentibus uberrimum erat, subducta fuit clavis ad illam Flandriæ oram, quam à Zelandiâ Scaldis jam fluvii & maris ambiguus, abscindit. Ibi juxta Castellum cui vocabulum Philippina, incitante sese æstu naves in vadium adactæ, quæ relabente pelago, in udi mollisque soli crepidine, utpote latâ alvo, & pandis more gentico carinis, sine noxâ fidebant; adèò ut horarum quinq; se spatio tota belli moles haud sanè gravi labore in terram redderetur. Ipsâ specie exscendentis exercitus territi hostes qui Philippinam insederant, sese dediderunt. Tum lustratæ copiæ equitum, peditumque: illæ ter; hæ duodecim millium; dispersitæque in tres manus, viribus & dignitate pares; alternante inter duces, more militiæ, frontis & tergi vice. Harum unam ducebat *Ernestus*, comes Nassavius, vir belli egregius; & cui nunquam ratio, nonnunquam fortuna defuit: altera *Everardo* habebatur comiti *Solmensi*, clarâ & veteri per Germaniam nobilitate: tertiam regebat *Franciscus Verius*, domi egregiis natalibus, foris ingentibus ausis factisque celebratus. Consultor omnibus & author aderat præeratque *Mauritius Orangianus*, columen partium. Modicis deinde itineribus, per depressum Flandriæ

drix agrum, propè Ekeloam & Brugas inclytam
olim opibus & mercimoniis advenarum, trans-
ductus exercitus apud Oldenburgum, quarto ab
Ostendâ miliari, æstu sitique perustus consedit:
flagrantissimis quippe solibus, ardente Junio iter
fecerant; & omnis illo tractu aqua turbida, &
uligine decolor est, potuque nocens. Aperuerat
hoc Castellum defessis hostium fuga, simulque
viam quæ Ostendam pertingit: tunc cibario-
rum & cerevisiæ affluentia copiâ toto sese triduo
miles refecit. Ibi consultatum inter militiæ pro-
ceres ecquo primùm molimine famam auspica-
rentur & bellum. Id maximè ambigebatur, u-
trum ad decus usumve potius foret; oppugna-
tamne Nuportum hosti eripere; an verò exuere
eundem Castellis, quæ fallaces inter & humentes
campos veluti claustra Ostendæ insidebat. Nu-
porti obsidio primò pluribus; mox omnibus
placuit. Tum primores Ordinum, comites iti-
neris & consilium ducibus additi, Ostendam
concessere; tutam mari, viris, murisque urbem;
ut exempti dubiis belli, summæ rerum servaren-
tur: unaque *Solmensis* suâ cum manu, quâ bre-
vissimum iter, Ostendam præmissus, ut capto
Castello cui nomen *Albertus*, viam quæ ab Osten-
dâ Nuportum ducit incursum & periculis hostium

exsolveret. Et huic quidem sua vis & præsidii
metus facilem victoriam dedere. Exinde *Mauri-*
tius motis ab Oldenburgo Castris, per interiora
Flandriæ Nuportum versus ducebat exercitum;
rapturus in transitu Damnam, Castellum igno-
bile quidem, sed aceumbens flumini, quod præ-
tervehens Nuportum sorbetur mari. At Olden-
burgum & vicinas arces vacuas metu & fugâ
hostium, suis ipse militibus discedens firmave-
rat; nam operibus munitærant; ut hostem si
forte exercitum, illo viâ compendio præcluderet,
objectaretque labori & casibus, per longinquos
circuitus Nuporto oblecta subventurum. Ceter-
um proficiscens jam copias putris soli labes,
& currum tormentorumque ponderi subsidens
humus ab itinere destinato avertit; igitur cum
intenui viculo prope Hemskerkam pernocta-
visset exercitus, flexo in dextram & maritimam in-
nere, per læta & pingua pascuorum viam molie-
bantur versus planitiem littoris; oppletis passim,
dum incedunt, humilioribus fossis; & lati-
oribus alveis, aut quibus altior gurges est,
ponte junctis; non enim alia incilibus disso-
ctior, & fecundior aquatum regio est. Ita
tandem perventum ad colles littori prætextos;
castraque posita prope munimentum, quod cap-
tum

tum ante *Solmenſi* memoravimus. Primâ statim
luce fulſere ſigna in planitie littorâ; lætoque
& compoſito agmine Nuportum ductæ legio-
nes; fluviumque quo litus diffinditur, ſidente
aſtu vado tranſiêre. Ardebat interim Hiſpano-
rum ſeditio; flagrantiffimâ vi illorum, qui oc-
cupatis Dieſta Brabantiz, & conterminis Han-
noniz, terrore & minis pecuniam & ſpolia civi-
um velut ex hoſte prædâ amovebant: Hi
perniciæ & lue exempli loco quoque traxe-
rant; egreſſoſque ab Antuerp Legatos, hos
irriſu & ludibrio, alios inuulſu & verberibus
proturbaverant; donec *Iſabella* Infans Hiſpania,
Alberto nupta, timens dotali Belgio, ire Ipſa &
opponere ſanguinis Maieſtatem fuſentibus, non
muliebritèr conſtituit; ingens animi Heroïna;
& virilibus ſub patre *Philippo* curis ſupra fami-
nam exercita. Illa per decus Hiſpani nominis &
anteactæ militiæ, obteſtabatur, ne ſe, ne mari-
tum, hoſti inultos Flandriæ agros rapienti in præ-
dâ relinquerent; admonibatque milites opta-
tæ & eluſæ toties pugnæ; nunc montibus, mari,
armis, cinctum hoſtem: nec ullum deprenſum iter
niſi quod ferro aperiant: irent, properarent
culpam in decus vertere; imponerentque tri-
ginta & quatuor annis magnum diem: ſed finis

Prælium Nuportanum.

sermonum in promisso mercedis & præmiorum; idque datis obsidibus firmabatur: tum preces valere. Reversos ad obsequium cupido involat eundi in hostem; piaculum furoris: secutusque ardorem militum *Albertus*, quantum in præsidiis copiarum est, sub signis educit; undecim millia peditum, equites mille & quadringentos, veteranum militem & expertæ virtutis; rapiebatque exercitum ad eò citus & præceps, ut famam sui præveniret; viracer bello, & quantam modestiæ famam in purpurâ, tantam militiæ vigoris laudem apud posteros meritis. At securus hostium Orangianus exercitus loca castris apud Nuportum ceperat, tuta oppugnaturis, arctatura obsessos, dispersitæque munia circummœnentibus; premendarum urbium artifice *Mauritii* ingenio. Jamque classis dives annonæ, cum omni instrumento militari appulerat; pontemque contextu navium classarii inceperant sternendo fluvio, quâ is coit arctior; ut castra & tendens in illis cis ultrâque miles, viribus & usu promptius miscerentur; cum quarto quo hæc properantur die trepidi ab Ostendâ nuncii attulere, hostem virium famaque ingentem propè Oldenburgum consedisse. Sanè *Rivasius* Hispanus, multis stipendiis & belli gnarus, ostentandis cir-

ca Slulam copiis, & rumore supra verum auclis, Nuporti obsidione avertere *Mauritium*, jam ante agitaverat. Quare vocato concilio cum plerique notam *Rivasii* jactantiam spernerent, simulatione virium illudentis timori præsidiorum; *Verius* semper magna belli, mox ingens pars prælii, memor augurii, & tenax prioris sententiæ, contra differebat. Haud dubiè ingruere hostem cum robore exercitus & prælio incedere; quare repentino discrimini unum esse remedium, si relicta Nuporto, totâ belli mole protinus occurrant, ante quàm vel minando exterritis, vel vi obtritis Oldenburgi & Snaeskerkæ præsidis, perruptoque itineris obice, medium se Ostendam inter & Nuportum hostis objiciat; posse, si universi festinaverint, simul præsidis suis reddi salutem; & hostium Castellis, inter metta & uliginosa camporum, Claudii aditum exitumque: pretium laboris haud inglorium; & paulo ante capturæ Nuporti à prudentibus æquatum. Hæc quidem haud frustra moneri *Mauritius* facebatur; sed cunctator naturâ, dum percoquit consilium; corrumpit. Sub noctem, acrioribus, & alium alio urgentibus nuntiis adferebatur; hosti magnum & infestum agmen esse, instructumque tormentis: mox, militi in Oldenburgo præ-

Prælium Nuportanum.

fidium agitati ab Archiducis *Alberti* fœcialibus minaciter imperatam deditionem; neque post multo; impares tutelæ sui imminentem perniciem tempestivâ deditione prævenisse. Nox ducebatur iniqua erat & pervigil, turbidis nuntiorum rumoribus, & expendente rursus belli consilia Principe. Igitur *Verius*, quoniam prima Consiliorum frustra ceciderant, perruptis munimentis inter quæ sibi hostem speraverat, hostari, orare, ut motis confestim castris, arriperent insidentemque citiorem illius itineris exitum, quod per depressa pascuorum & humida paludum, ab *Hemskerka* adusque colles littoreos, obrutis fossis, jactuque pontium sibi transituris constraverant: non enim alium hosti in litus aditum esse, nisi flexu, & per avia circumerranti. Hactenus *Veriani* sententiæ *Mauritius* accesserat, ut *Ernstum Nassaviu* cum undeviginti peditum signis, equitibus quingentis, tormentis duobus, & cætero paratu militari, jussit præmitti, fauces itineris immunitarum; ipse cum reliqui exercitus viribus, ubi res posceret, adfuturus. At *Verius* carpi vires & dispergi copias abnuebat; sæpè omnes vinci, pugnantibus singulis: fas enim credi; hostem occasionum haud segnem, cum milite primi agminis antè erupturum ex angustis, quam

quam illæ occupari possint ab *Ernestianis*; quos numero & viribus impares, obijci veterandi exercitui, & successibus feroci; enimverò motis simul omnibus copiis, parem fore cum hoste congressum; & locis æquis æquam fortunam, si totus transierit: at si modò partem sui explicuisset è faucibus transitus; uti angustis viarum & temporis, incertaque noctis persuadeant, in promptu victoriam: quod si citi, & omnes, hosti prævertant, iuvenis & belli arbitrium, occupantium fore. Jam adulta nox erat, cum acceptis, uti iussum fuerat, Solmenfibus copiis, quæ metata ultra fluvium expeditioni promptiores erant, *Ernestius* digreditur. Sequēbatur dūtem signa Scotorum duodecim: Zelandi centuriis septem; quinque equitum turma: lectus miles; & fide meliori quam fortunâ. Vix dum orto die aggerem viæ ingressis, adventare hostem exploratores nuntiavere. Interfluobas in medio rivus quem ponte *Mauritius* junxerat; hunc pariter & viam hosti auferre, immixtis cœcis equilibus, *Ernestus* jubet; nam limosa circum loca, atque paludibus incerta erat. Sed incedi non minore impetu Hispani pontem anteceperant. Hoc inito conatu arma corporaque hosti obijciunt; frustra acie in viæ angustis; nullâ quidem boni spe,

spe, sed æmulatione obsequii, & curâ decòri exitus. Irrupit hostis ferox & iratus; totâque exercitus mole incubuit, at illi numero fatoque dispares; firmati inter se, densis ordinibus excipere impetum, obniti prementibus, & inquietare victoriam; obruti adversis, & salvâ virtutis famâ. Cecidere omnes contrariis vulneribus, versi in hostem; adjacentibus propè fractis hastilibus, & infelicibus armis. Hoc pedites fato finire. At *Ernestum Edmundumque* Scotorum Tribunum, pernix equorum virtus Ostendam intulit; subsecuto omni ferè equitatu, cui vitæ major quam gloriæ cupido. Ibi atroci nuntio percussi Ordines, & ad preces ac supplicia versi nimias spes & præceps consilium execrabantur. Verum Archidux *Albertus*, blandiente cœptis fortunâ, cumulos super & recentia cœde vestigia eVectus properabat in litus; ipse prælli avidus; & seditionis foris maximè vocibus instinctus; qui rap-turi imperium ni ducerentur, occupari Orangianos in transitu fluminis, & extingui reliqua belli postulabant. Cœterum digrediente è castris *Ernesto* imperatum cæteris ducibus fuerat, ut alben-te statim coelo, sua quisque signa ad ripam fluyii sisterent, alveum transitura simul ac æstus detumissor. Quare eorum ducum studia militum æqua-

æquaverant, dubiâ adhuc luce, compositis ordinibus flumini adstantium. Ibi dum opperiantur donec sese æstus evolveret, *Mauritium* haud procul à cepto ponte, procerû coronâ circumdatum, nuncius perculit de clade *Ernesti*; hostemque jam transitis collibus, infesto agmine appropinquare in littore. Substitit Princeps defixus illatabili imagine, & magnæ cogitationis manifestus: obversante scilicet ingentis diei specie, quâ libertatem, decus, opes, spem reipublicæ novissimam, in paucorum manibus & armis fortuna collocaverat. Sed diù bello exercitus, & tristium latorumque sciens, nihil infracto animo unum gliscentibus periculis remedium docet, si transmissio statim exercitu ulteriorem ripam hosti præcipiant, ni festinaverint, deprensus clausisque inulto sanguine pereundum. Ordo ducendi agminis illo die ad *Verium*, ritu militiæ redierat. Hunc prioris gloriæ virtutisque admonitum ire properè, & agmen suum transmittere, utaque *Ludovicum* Nassavium, qui equitatu præerat, promptum ausis & Laudi juvenem, transgredi jubet: ut imminente fortunâ certaminis, maturo annis, & spectato bellis rectore uteretur. Neque certis tamen mandatis *Verium Mauritiis* instruxerat, pro re, loco, tempore, suoque belli usu, consultu-

rum: tantâ virtutis & fidei opinio hec erat. Neque
Verio cessatum, quin altiores adhuc inter undas
 agmen suum transduceret, per catervas & cuneos
 prælio compositum; adeo properè; ut militi
 tegmina detracturo, ne marinâ immadescerent,
 tantillum moræ negaverit; addito; propinquis
 hostibus inanem esse vestimenti curam: Suum
 enim cuique vel supervacuum ante noctem, vel
 siccum & opulentiùs prædæ & usui futurum. Ita
 traductos equitem peditemque: Hos Oceanum
 inter & colles, subsistere jubet in aquore litoris;
 Illos correpto spatio propiùs invehit in hostem;
 eminiùs adhuc, tamen ut cerni possit incedentem
 in litore; non quidem irritando prælio; sed le-
 gendo, si quâ possit, æquiori loco, in quo impe-
 tum advenantium hostium exciperet sustentaret.
 que: unum hoc etenim arti imperatoris reli-
 quum fortuna fecerat. Nam lubricum illum &
 versatilem in omnes flexus cohortium motum,
 quo *Mauritiana* militia præpollere Hispanica
 credebatur, inutilem fecerant Genius suusque re-
 gionis. Omnis enim exporrecta secundum mare
 planities, imminantium collium jugis obnoxia
 premitur: & ipsa collium temerè disiecta con-
 geries, præruptis undique tumulis & obliquo
 glomeratu inter se transversis exsurgit, ut inter
 anfractus

anfractus nec oculis provideri, nec manu succur-
ri laborantibus posita plurimaque sui parte id
latitudini spatium est, cui explenda, insidenda-
que impar esset *Mauritianus* exercitus. Unde pe-
riculum erat, ne introrsum & quâ tumor colli-
um subsidit, per incustodita transgressus hostis
hærentem vadis in Navali Nuportano classem in-
cendio popularetur. Nam ad meridiem, inter
ima collium & impervia pascuorum, læve viren-
tis campi dorsum porrigitur equiti peditique fir-
mum juxta & inoffensum. Hinc obviam discrimi-
ni *Verius* ibat, cum quatuor a Nuporto passu-
um millibus advertit inter colles locum, ubi tu-
mulorum fastigia celsius in septentriones, in me-
ridiem lenius efferuntur, simulque universam
collium molem, transverso eavae vallis interjectu
diductam penitus abscindi: castigatori ibidem
latitudinis spatio, & cui occupanda non impares
copiæ, hinc introrsus & per campi dorsum, inde
planitie litoris transiturum hostem infestis su-
perne telis incessitura. Hâc regione, oportunis
citra vallim, quam memoravi, collium tumulis
expectare hostem & fortunam prælii constituit.
Igitur ex agmine suo jam procedere jussu mille
virorum roborâ excerptis: Prætorianos *Mauritii*
ducentos & quinquaginta, hastatos sclopetari-
osque

osque Anglos paribus numero & armis: Frisios
 duplici numero; sed omnes sclopetarios. Et
 Anglos quidem, admittis quinquaginta Præto-
 rianis, summitati collis imposuit, qui in sinum
 memoratæ conyallis projectior cæteris excurrit,
 præceps, abruptus, & ob mollitiem arenæ ad-
 scensu arduus, ac vertice in tantam cavitatem de-
 presso, ut miles ab collium adversorum ictibus
 tutus, à margine & labris tumuli, tanquam è val-
 lo & lorica præpugnaret. Ponè hunc collem pas-
 suum ducentorum intervallo insurgit alter, præ-
 cello & insigni fastigio: Illum infidere reliquos
 Prætorianos jubet, suoque ingenio juxta validè,
 & addito levi manuum opere, haud minùs tutum:
 connectit utrumque velut aggestus arenæ perpe-
 tuus, paris naturæ, sed depressiori fastigio, qui
 rectus ad orientem Solem, latere in Austrum
 obtenditur, subjacente intra vim & jactum te-
 lorum omni campo, quem inter infida pascuo-
 rum & collium radices pervium memoravi. Hu-
 jus infessum & tutelam Frisius attribuit: jussis
 ubi res ad manus venisset, tela sua & vulnera in
 meridiem spargere, quæ tum cæli regio dextra
 erat in hostem obversis. Sed ab aggestus hujus,
 quem diximus, sinistra, quæ Oceanum spectat,
 inter prærupta & consula collium locis naturæ
 tutis

tutis munitisque Anglos collocat septingentorum
vultu & armis versos in Boream, & in vicinam
subjectamque litoris planitiem, integris ordinibus,
ubiusque posceret, facile prorupturos. Hostes
tela sua & fulgura vibrare in oculos & ora hostium
iusserat, si fortè transitum in litore molirentur.
Secundum hos in ipsa planitie, quam verberat
Oceanus, sed paulò in Ortum productius,
quicquid reliquum Anglorum, & erant admodum
sexcenti, explicuit, gemino agmine; & æquis
frontibus. Modicò post Anglos intervallo,
& propiores Mari, bis mille Frisii, quatuor
agminibus, sed binis in frontem, astiterunt. Den-
satis, artatisque manipulorum ordinibus, ipsa
agmina patentioribus spatiis discreverat; ut pos-
siremorum inter primos facili receptu, viribus
& audaciâ mutuis singuli augerentur, & interm
non obumbrantibus alias aliis, universæ simul
copiæ, majore specie sui, hostium oculos imple-
rent. Equites, signis decem, Oceano proximi, &
omnium in Orientem primi, nudam æstu are-
nam tenuere. Vix dum primorem aciem *Verulus*
instruxerat, cum *Mauritius* comitante totâ *Proc-*
ecrum manu, antè prima signa Equo advectus
tractare palàm cepit consilia, viasque prælii cir-
cumfusus militiæ. Principes percunctatus, num

illis in vestigiis opperiri hostem, an ire cominus
& ulero lacerare, constantius foret. Nihil a què
indecorum viris militaribus quàm argui timoris.
Igitur abrupta consultandi morâ Duces certatim
proclamant, capienda arma, ducendum in ho-
stem; non impetu modo; sed ratione: Mino-
rem scilicet hostibus animum fore, quo mayo-
rem ipsi prætulcrint; audaciâ conciliari fortu-
nam; & si quæ speciosius jactat militaris facun-
dia; at cunctari, & summæ rei discrimen trahe-
re, propius formidinem esse, cujus opinione
vel aliturum hostem fiduciam sui, vel usurum
morâ cunctantium ad usum belli; intercepto
interim Castris limite qui Ostendam ducit; un-
de arcti & infesti undiquè com meatus; inexpli-
cabilis receptus. Ad ea Verius multâ militari pru-
dentiâ diserebat: Hostem improvise tumultu
excitum inopem esse Copiarum; æstate jam
præcipiti, inanibus horreis, & attrita regione:
Quare frustra timeri ut positis ibi Castris subsi-
dat, moliturus famem exercitui, cui congesta in
Naves cibaria & apertus subvectioni Oceanus:
Nec vereri se vanam illam fiduciam, & citò de-
fluxuram, ubi post tanta itinerum spatia, perusti
Solis ardoribus, & attriti inter Collium arenas,
vestigiis infidas, & arduas adscensu, fessi cum in-
tegris,

regis, turbati cum compositis congressi, non loco minus quam virtute pellerentur. Ipsos sat citò victuros, ubi provisum foret ne vincerentur. At Ducea cò pervicacius consilium suum amplexi, clamore jam & strepitu *Varium* obturbabant: nec sequi ille, animo, voce, & oculis ardens, suis se sententiâ aut loco motum iri negabat, non si totius orbis impulsu urgeretur: donec animorum sententiarumque discordiam, approbato *Verii* consilio, *Mauritius* composuit: statimq; ad ordinandas cæteras acies, quæ jam fluvium transierant, reiectus est: & illis quidem, resorbente æstu prout arena nudaverant, expansis in litore, suum cuique agmini Equitem affudit à cornu sinistro quod Oceano proximum. At sex tormenta in frontem *Veriani* agminis promoveri iussit, ingentimox ad Victoriâ adjuvenco. Sic instructi, intentique hostem, eminus adstantem opperiebantur. At ille cum duabus horis loco non movisset, devius tandem à litore, collum impedita transverso itineris flexu pertransiit; ad quorum radices, ubi in campos desinunt, parca iterum horas refovendo militi absumpsit. Unde opinio rumorque invaluit, hostem obsepiendo itineri castra in medio positurum: Sed apud gnaros militiæ, & consilia hostium ex rerum acturimantes;

firmantes, inania rumorum rationibus revincebantur. Ideo scilicet festinatum hosti, ut ipsos vel transitu fluminis præcluderet, vel impeditos in transitu aggrederetur: tanta spe irritum, & nocturno prælio & matutino itinere fessum substitisse in littore; haud absurdè opinantem, ipsos, quibus in loco necessitas, una salus in armis, ultro incubituros; primum spe propioris ab *Ernesto* auxilii, si fortè copias Ostendam receperit; mox cupidine ultionis, si cladem nuntii patefecerint: Nunc compertâ ipsorum loco se tenentium constantiâ, & urgente annonæ penuriâ rem dare in casum, prætulisse squalori littoris commoditatem camporum, ad requiem militis: simul expectare, donec adlabente pelago, & stagnantibus vadis corripatur planities, ne veteranus Pedes, & nullâ præliorum fortunâ attritus, patentibus locis equestri procellâ tunderetur. His rerum argumentis & sententiam & locum prudentes ruebantur. Medio ferè intumescantis Oceani æstu, hostium copiarum transmissis iterum collibus regressæ in litus, incedebant prælio; præcurrentibus haud modico ante aciem intervallo aliquot levis armaturæ equitibus; quorum unus spontè ruens & præfestinans capi, protrahique ad *Mauritium*, clarâ voce *Ernesti Cladem*, imminens

imminens præliū, robur & virtutē Hispanorum,
& cuncta in majus extollebat. Et quanquam,
Mauritiū jussu, os declamanti clauderetur; proximi
tamen militum quæ tristia acceperant, cumulata
mœrore in vicinos, & illi rursus in alios, vel voce,
vel vultu enuntiabant. At Princeps pugnandi
certus, & tumente jam æstu, enavigare classē
juberet, quo sublata spe fugæ, manus & arma milites
respiceret, & in illis omnia: Aderat illi frater
Henricus-Fredericus primâ juventâ. Hunc monuit,
ut ascensâ navi, si quid tristius fata pararent, se
reipublicæ redderet. Verum ille aspernans, nec
degenerem se ad pericula testatus, ut maneret,
virtutemque illo in campo, ex fratre Imperatore
disceret, cum lachrymis exorabat: jam nunc in-
stinctus cupidine gloriæ, quâ postmodum sæculi
sui invidiam pariter & laudes supergressus est.
Propinquabat interim legionum hostilium acies;
præsaltante Equitatu, insigni specie; sed ad eò
distanti spatio, ut totus in pugnam pateret & ca-
sum: Itaque *Verius* Equitem primi agminis in-
vehi suaserat, qui acriter aliquot armatorum impetu
velitantes hostium Catabinarios retinere impinge-
ret in agmen turmarum; & ausas rursus instan-
tesque turmas, spontè refugus eliceret sub ictum
tormentorū; ut pilis disjectæ perculæque totâ

D

proti-

protinus equitum vi protererentur. Verum *Ludovicus Nassavius* dignationis anxius, aspernatus rectorem & Consilium, nullo adsultu impetuq; in hostem invehit, sed turmis lentè ingruentibus cedere paulatim, & referri in suos. Cum acriter consultis exsecutio deesset, & non ita procul abessent hostium turmæ, librari tormenta *Verius* jubet: nec irritis liberatorum ictibus mortes & vulnera toto agmine sparguntur: unde obliti dedecoris equites, trepidâ fugâ, & solutis ordinibus, vicinorum collium latebris se tuebantur. Quæ res maturam & incruentam victoriam *Nassavians* Equitibus præbuisse, si prompti & alacres fractis & obtritibus hostium turmis, nudatas Equitum præsidio legiones pertupissent. Aemulatione, & occultâ invidiâ, pulcherrimi facinoris occasio defluxit. At pedites hostium extrâ vim casumque fulminum, nihil labante fiduciâ, & continuato per littus itinere, tormentis ante aciem longius eVectis, cladem illatam non vanis ignibus ulciscabantur. Dum hæc geruntur, adcreverant undæ, magnâque sui parte stagnabat planities; adeò ut utriusque exercitus miles, arctioribus manipulatim ordinibus illigaretur: At hostis inopino flexu avertens a littore, cum omnibus copiis in edita Collium enitebatur:

sive

sive Consilium id fuit ; ut Equite minor ,
 peditum robore inter impedita valeret ; sive
 metus intonantium in littore tormentorum :
 Certè non adedò Maris ignarus erat , ut impro-
 visâ æstuum vice , destinatione suâ excuteretur .
 Unde sicut agminum , ita novæ Consiliorum
 formæ oriebantúr . Et hostium quidem Equi-
 tatus , transverso per colles itinere evehctus , virenti
 illâ , quam suprà memoravi , inter infida campor-
 um , tumulorumque arenas , planitie substitit .
 In *Mauritiano* exercitu prima acies mutatis leviter
 ordinibus , locis penitus iisdem inhærebat : at se-
 cundam postremamque è littore in colles sub-
 ductas , paribus a latere & tergo intervallis cura
 Ducum discreverat , quibus antea in littore di-
 stinctæ steterant ; ita ut trium acierum frontibus
 omnis collium latitudo expleretur : Equites ea-
 dem illâ planitie turmis hostilibus oppositi , te-
 nui agmine pro loci angustiis exportgebantur .
 Composito jam pugnae exercitu , Tormenta duo ,
 monstrante *Verio* , & *Mauritio* iubente , in fasti-
 gium tumuli subvecta sunt ; quorum telis om-
 nis illa planities quam equitatus occupaverat ,
 supernè infestaretur . Sic omnibus ad novissi-
 mum casum paratis ; digressuri ad sua quisque
 munia Duces , gravibus sanè *Mauritij* animum ar-

gumentis pervicerunt, ut postremam Ipse aciem præfens curaret; minoribus periculis non immixtus, majoribus non defuturus. *Verius* ad primam advectus, ubi alacrem instinctumque militem videt; in vertice collis, quem prominere præ cæteris in vallem, & infessum Anglis Prætorianisq; suprà retuli, velut in speculâ constitit; arduus, & vago in subjecta prospectu; unde & hostem observaret & regeret suos; elegerat hunc ut defensantibus opportunum, & irrupturis iniquum; in quo cum fato diei transigeret: Et quamvis ratio prælii frequentem totâ acie Ducem posceret, qui promptos laude; labantes ope, dubios exemplo firmaret; prohibebat tamen ratio situsque loci, inæquali regione, ubi inter obliquos & implicatos collium anfractus, nec ipse visu hostem, nec illius imperium miles vel oculis vel auribus assequerentur. Jam præcurrentes è principiis hostium Sclopetarii, quos vitæ prodigos & obvios morti, militari vocabulo Perditos vocant, occupatis collium valli imminentium superciliis, *Veri* militem glandium conjectu lacerare, dum prima suorum acies adventaret: quâ adpropinquant, quingenti numero Hispani, non tam hastis sclopetisque quàm virtute & animis armati, nullo prælato vexillo, neque certo imperio, læti periculis

& decôris avidi, impetu in ardua factô, quam gravibus supernè ictibus afflicterentur, perrumpere *Verii* collem, insigni patientiâ vulnerum annitebantur. Eodemque momento primæ aciei Eques per planitiem erupit in *Mauritianos*; quos sollers Ducum cura à latere mediî agminis retrorsum instruxerat. Statim fulminantibus è vertice tumuli tormentis, promptissimî quiq; proruebantur; reliqui præter latus *Veriani* agminis progressi, à quingentis illis, quos supra memoravi, Frisiis in meridiem collineantibus, tam infestâ scloporum grandine verberabantur, ut perculsi turbatiq; post primum *Mauritianorum* impetum, cædâ retrò fugâ in Peditum agmen impingerentur. Ibi fugæ temperatum & cædi Majoribus animis. Pedites collem aggressi satum provocabant & gloriam; adjuti firmatque creberrimâ vi telorum, quibus prima Hispanorum acies, suis è fastigiis *Veriani* collis propugnatores superurgebat. At *Verius* incrudescente ferociâ hostium, ex Anglis septingentis, quos in Boream obversos proximis littori jugis, arcendo illâc hosti locaverat, centum signi unius milites accersiri jubet, occultis inter prominentia collium gressibus, repentino impetu in latus oppugnantium incurساتuros. Illi cum impigrè pa-

ruissent imperio, majoremque quàm pro numero terrorem inferrent, *Verius* è summo vertice, per obtectum cavumque collis descensum, sexaginta subsignanos in frontem præliantium demisit. Obstupefecit hostem ruentium alacritas; pulsisque gradu & protinus in fugam, *Verianus* miles totâ valle inhærebat; multâ pernicie donec aciei primæ suffugio protegerentur. Inde novus iterum globus integri militis, neque numero, nec animis, nec impetu minor, suis quisque signis & ordinibus soluti, æmulatione gloriæ prouunt, protruduntq; *Verianos*, quorum acerrimus quisque sequentium, versâ pugnæ fortunâ, fugæ ultimus erat. Surgebant in ipsâ valle aliquot colliculi, modico tumore. Hos Hispani, dum cedentibus instant, arripiunt, ingenti locorum oportunitate, obtectis dejectu laterum hastatis, & erectis in vertices Sclopetariis; undè acrior propiorq; vis glandium in velitantes *Verii* vexillarios ingruerat. Ipse terram suis eripi flagitii ratus, centenos iterum ex Anglis custodibus littoris, excitos & permistos cæteris ire oculus, & deturbare tumulis hostem jubet. Prælium ibi atrox, varium, anceps; his, rursus illis, exitiabile. Modò glandibus, volatili malo, sæpe collato gradu, manibus, corpore, armis, annixi implexi-

que

que, sternebant & sternebantur; à fronte, à tergo, cominùs, eminùs, sed certior eminùs perniciēs: patenti quippe valle; nec colliculorum modo, ad quos pugna exarserat, sed infessorum utrinque colliumignibus & procellis telorum infestâ. Vnde missus hinc inde in subsidium miles, festinato per vallem cursu, ruere in latera tumulorum, ubi à longinquis & inultis ictibus ruti, honestâ morte non inglorii caderent. Neque segniùs, qui tumulos insederant, impellere scandentes, detrudere obvios, ferire sclo-
pis, fodere pugionibus: Vtrinque pudor, utrinque gloria; Vtrobique vulnera, sanguis, cædes, stragesque, variâ percuntium formâ, & omni imagine mortium; donec obstinatis inter se *Verianis*, labantes Hispanorum copiarum tumulis proturbarentur. Dum in valle mutuis invicem cladibus inter primanos sevitur; Media hostium acies per arduum progressa ad primam propinquaverat; eodemque, quo prima, posita, in dextrâ collum ad sinistram primæ, levi intervallo, & adæquatâ ambarum fronte, constitit; primum apertior, mox adversorum Colliumtelis percussa, cautiùs & flexis aut prominentibus jugis obumbrata magis quam obtecta. Ex hac fœta viris animisque cursus in vallem, & insedentes *Verianos* promptissimi.

simi ruebant; plerique militiæ veteres, & clari bello, aucta stipendia & sua quisque decora præferentes. Neque *Verius* cessabat suis cursu pugnae fessis, & recentium robore impetuque inclinantibus, & impulsis, integros submittere, quorum virtute instauratum denuò prælium, & æquata pugna est. Sic alternante, prout subsidia invaluerant, successu; hi, rursus illi, pellebant & pellebantur; dato haustoq; non modico sanguine. Par utrimque studium rapiendæ vallis, & in tuendâ non impar virtus & pertinacia: Sola Collium opportunitas, provisu Ducis, *Verianis* æquior erat; stabili gradu & tanquam è vallo vulnera dirigentibus in hostem, malè rectum in Collibus, invalle apertum: unde crebrior in illum cædes, clades damnosior: & obstinaverat animo *Verius*, in se & primam aciem, quamvis diuturnitate pugnae exhaustam & infrequentem, toram Hispani exercitus molem avertere; ut attrito carptim hostium robore, segnis postea & imbellior numerus, pulsû impetuque recentium exterriti, à med à & postrema *Mauritianorum* acie perrupti obtererentur. Non improspere interim, aciei mediæ proprius eques suo in campo ruebat in *Mauritanos*; qui successu prioris pugnae feroces, avidius quam consultius, extra cohortis Frisiæ tutelam

telam proruperat: Sed illa labantibus & retro
versis, contra vim clademque, coniectis desuper
in sequentes telis, munimento fuit: Ita impetus
stetit, & manibus æquis abscissum. At postrema
hostium acies ad sinistram Collium provecta,
impetu & specie ferebatur incubituræ in mediam
ultimamq; *Mauritianorum*; quæ intra coniectum
teli ponè *Verianum* agmen instructæ, & nullâ ad-
huc hostium vi lacessitæ fuerant: Sed hi præter-
vecti dextrum cornu *Veriana* manus, ubi inte-
ctum latus Frisii, inter oportuna tumultorum
collineantibus aperuerant, atroci & improvisâ
telorum tempestate consternabantur; defixisque
pudore simul & metu, neque gradum inferre,
neque fugam consciscere in promptu fuit; donec
in vallem vicinam inter inæquales arenarum ad-
gestus sinuatam descenderent. His erga partes
meritis Frisii diu hostium Equiti, nunc Peditem
agmini graves, diem & nomen decorare. Sed è
ualle rursùm acerrimus quisque, & animo vel
robore validus, effundebantur; soluti signis, sparsi
conglobatim, hostis laudisque cupidine, austra-
lia collium armis & tumultu permiscabant: cum
his pugnam & arma per montosa spargentibus,
lecta toto *Mauritano* exercitu virorum robore,
æquâ virtute, sed iniquis hosti locis certabant; in

E

quem

quem ex edito & occulto Collium, prægrandibus Scloporum tubis, tela & cœdes inulta ingerebantur. Minus acri discrimine equites novissimi agminis, & pariori sanguine, fortuna collidebat: Ostentatæ enim hincinde turmæ, post brevem impetum, extrâ teli hostilis adjectum sub præsidia suorum revehebantur; diversâ omnium quæ ferè accidunt præliorum facie: Nam cum pleræque peditum fortunæ, equestrium pugnarum fato temperentur; hic è contra, spes & equitum virtus vi & oportunitate peditum nitebatur: nec exui campis fugarive eques poterat, quoad potens collium peditatus, armis & loco præpollebat; tutela pulsus, & prementibus infectus. Interim nihil remisso ad tumulos ardore pugnæ; primani secundanique hostium, & *Verianus* miles ferali invicem lanienâ, multâ cum strage implicabantur. Hærebatque vir viro, & pede pes; nulloque missilibus spatio, gladiatorum & hastarum mucronibus vita & sanguis præliantium hauriebantur; adfluentibus hincindè auxiliis, vel spe, vel metu, indomabili pertinaciâ: donec universa Anglorum cohors, præter paucos qui summa collium infederant, discrimini immisceretur. Nec sanè multi apud hostium acies laborum periculorumque exfortes supererant;

nomen

nomen magis legionum quàm robur; abductis cohortium viribus, & opportuna collum, vel caſorum apud tumulos veſtigia occupantibus. Solus hoſtium Eques compoſito agmine, & frequens apud Signa erat: in illo, integris adhuc ordinibus, vnicum robur; ſed impar, & citò defluxurum in fugam, ubi nudi ſuorum præſidio peditum, ab Equite *Mauritiano* recenſium legionum Peditibus immiſto, impellerentur. Itaque *Verius*, patefactam in hoſtem ratus occaſionem noviffimi caſus; ſimulque reputans militem ſuum numero minorem, ni validioribus ſubſidiis firmetur, ſuperante ex adverſo multitudine, vel vi hoſtium, vel ſuâ laſſitudine periturum, pernicious nuntiis Friſios aciei primæ Pedites, quos in littore inſtructos ſuprà retuli, acciri jubet; ſimul *Mauritio*, quo ſux, quo res hoſtium loco ſunt, exponi; additis precibus; ſubmitteret properè ſecundi agminis Equitem; eriperetque devotam morti legionem: Ac prout hoſti percuſſos prementi ferocia, ita nunciorum, auxilia implorantium preces, acrius intendebantur. Ipſe periculo ſuorum, ſummæque rei percuſſus, relicto colle quem inſtiterat, deſcendit in vallem, prælioque Eques occurrit: ſtatim adveſto crus glande trajicitur; Nihil vulnere terri-

tus, huc & illuc volitans, ferire hostem, hortari suos, firmare animos, minuendo metu, accendenda spe, & omnibus belli incitamentis; Ita ruenti, & ægre sustentanti aciem, missile rursus plumbum graviore vulnere femur transadigit. Sed ille supremi discriminis anxius, sui incuriosus, nec ostentationem vulneribus neque fomenta adhibuit; certus non excedere prælio, ne fracti pugnantium animi hoc velut omine consternerentur; Et sanè tot annorum stipendiis, tam durâ & exercitâ militiâ, neque Ducem militis, neque milites Ducis unquam poenituerat. Igitur durare in vim extremam constituit; & si fortuna contra daret, receptum non minus quàm armâ temperare consiliis & exemplo; adversa tolerans spe subsidiorum, quæ tot nuntiis exciverat. Sed illis ad pugnam inpromptis, certè non satis prope- rantibus, *Verianus* miles, numeris obrutus, misceri primò & turbari, tum referre podem, cedere loco, mox turbine irrúentium impelli. Nul- lum in illâ trepidatione *Verius* Ducis officium, militivæ omisit. Increpare paventes; retinere dubios; retrahere fugientes; consilio, manu, voce, insignis hosti, conspicuus suis contra fortunam obniti: Sed impetu turbatorum abreptus propulsusque cessit ad extremum ingruenti tempestati,

pestati, ultimus & invitus: sedentibus spes novissima erat in præsidio tormentorum: itaque eluctati altitudinem arenæ inter collium salebras; illuc non effuso quidem, intento tamen per plana litoris gradu se recipiebant; impigro ad sequendum hostium Equite, & tergis gravi. In littore obvias habuere Frisiorum cohortes; ferum & inane auxilium; quæ neque turbatis constantiam addidere, & alieni pavoris contactu in fugam auferebantur. At *Verii* cedentis Equus pluribus in pugna vulneribus suffossus, multa tandem morte procumbens, pondere herum & toto cadavere implicuit: neque militum quis neque famulorum præsto erat ferenda opi; & prope hostis aberat ferocia ardens & successu. In signem dies illa virum vidit *Thomam Highamium*; domo non obscurum; sed civis Ducisque servati gloria nobilem; Is è familiâ *Roberti Drurii* equitis Angli, & inter palantes Domino suo comes, simul quo & hosti incumbentibus subreptum Ducem, imposuit in tergum equi, quo *Drurius* vehebatur. Sic advectus sub tormenta *Verius* fratrem ibi reperit *Horatium* non indecorem fratrem, & multis in bello Belgico palmis sæpè memorandum. Adstabant cum illo centuriones Angli Janicæ superstites; & accitis reliquit pediscæna-

centi; loco certe, nondum spe & animis excussi;
 arma quippe, suprema victis solatia, retinebant.
 Hos immoto gradu consistere pro tormentis; &
 ipsa in hostem toto jam littore volitantem explo-
 di *Vertus* jubet. Verterat hûc fortuna fermè eo-
 dem momento duas equitum turmas, quarum
 una proprius *Verii* miles; alteram *Balenius* decu-
 rio præsens regebat, acer & clarus militiâ: His
 imperat prorumpere in hostem pilarum turbine
 attonitum; misso statim fratre, qui equestrem im-
 petû, pedestri impressione subsequeretur. Redie-
 rat jam fortuna virtusq; victis; tantâq; vi peditum
 equitumq; manus, numero exigua, animis ingens,
 incubuit in hostem; ut quantò ferociùs ille fidu-
 ciâ victoriæ accurrerat, tantò acriùs pulsus in
 fugam disjiceretur: Ingens ibi strages, & pluri-
 mum sanguinis, persultante planitiem equite, &
 ardente in eadem, hærentesque fugaciam tergis
 victores in suffugia collium irrupere, planaue &
 edita pari terrore & exitio permiscebant. At ho-
 stium acies, quæ sub signis vexillisque summa
 collium, expertes prælii insederant, admonitæ
 periculis excitabantur: nec ultutorum commi-
 litones ille motus erat; sed consulentium sibi, da-
 bantque se incautos & indefensos telis *Veriano-*
rum, qui fastigiis suis immoti, in hostem aper-
 tum

tum & expositum atroci procellâ detonabant. Simul cæteri Anglorum, exciti prospero clamore, & insigni ferociâ victoriæ se miscentes, incurfabant nutantes hostium acies impellebantque; fulgentes quidem signis, sed nudatas & infrequentes milite, abducto jam antè & attrito in subsidia pugnæ Sclopetariorum robore; quorum locis inæqualibus præcipuus usus est. Inclinatâ demùm spe hostium, secundam aciem equitem juxtâ peditemque in consternatos invehi *Mauritius* jubet. At hostis fugam circumspectans, pulsu, sonituque, & nube ipsâ invadentium superfundebatur. Tum verò atrox ubiq; spectaculum; fugere, capi, vulnerare, trucidari: passim arma & corpora, & laceri artus, & cruenta humus. Fortissimus quisque ex Hispanis, quantum peditum erat, funduntur. Rapta signa vexillaque centum & viginti: modico equitum sanguine. Apud *Mauritanos* dispari fato, cruentati equites: duæ peditum acies propè illæsæ. Asperrima Anglorum fortuna fuit; O&tingenti Milites in pugna occisi; trucidati octo Centuriones; reliqui, duobus exceptis, vulnerati: Et ferè nemo in illis cohortibus, vel ordine, vel animo antè vulgus fuit, quem non dies ista sicùt virtute, sic teste virtutis vulnere insigniverit.